

法苑珠林卷第六十五

振五

唐 西明寺沙門釋道世撰
放生篇第七十五此有二部

述意部

引證部

述意部第一

騎五

蓋聞兀兀雜類莫不貪生蠢蠢迷徒咸知畏
死所以失林窮虎乃委命於廬中鍛翻驚禽
遂投身於案側至如楊生養雀寧有意於玉
環孔氏放龜本無情於金印而冥期弗爽雅
報斯臻故知因果業行皎然如日且大悲之

化救苦爲端弘誓之心濟生爲本但五部名
族皆以列鼎相誇三布逸仁莫不鼓刀成務
群生何罪枉見刑殘舍識無憊橫逢菹醢致
使怨冤不斷苦報相酬今勸仁者同修慈行
所有危怖並存放捨縱彼飛沉隨其飲啄當
使紫鱗頰尾並相忘於江湖錦臆翠毛等逍
遙於雲漢或聽三歸而悟道何異瞽龍聞四
諦而生天更同鸚鳥共立長壽之基同招常
命之果也

引證部第二

如梵網經云若佛子以慈心故行放生業一切男子是我父一切女人是我母我生生無不從之受生故六道衆生皆是我父母而殺而食者即殺我父母亦殺我故身一切地水是我先身一切火風是我本體故常行放生生生受生若見世人殺畜生時應方便救護解其苦難常教化講說菩薩戒救度衆生若父母兄弟死亡之日請法師講菩薩戒經律追福資其亡者得見諸佛生人天上若不爾者犯輕垢罪又僧祇律云一切道俗七衆等

並須漉水飲用若漉得水已使能見掌中細文者審悉看之看時如大象載竹車迴頃知無應用使可信者教漉不可信者自漉得蟲還送本取水來處安之若來處遠近有池井七日不消者以蟲著中若知水有蟲不得持器繩借人若池江水有蟲得唱云此水有蟲第二若問者答云長者自看若知友同師者語言此水有蟲當漉水用又十誦律有二比丘未曾見佛從比遠道共往舍衛奉見世尊道中渴乏值有蟲水破戒者言可共飲之持戒者

言水中有蟲何可得飲破戒者言我若不飲必當渴死不得見佛便飲而去持戒者慎護戒故不飲遂渴乏死即生三十三天身得具足先到佛所頭面禮足佛爲說法得法眼淨受三歸畢還歸天上時飲水者後到佛所佛爲四衆說法即披衣示金色身汝癡人欲看我肉身何爲不如持戒者先見我法身智慧之身佛言從今已去比丘若行二十里外無灑水囊犯罪若自無同意伴有者聽去又有征行軍人有比丘尼教化行人人皆弓頭安

漉囊持用濾水官人聞奏國王王聞瞋之皆欲殺却汝小蟲尚畏不殺況見賊肯害之行人向王分疎云小蟲若於國有害臣皆殺却既無有怨何故不聽濾飲王聞放之由行人義慈善根力及賊皆來投化又正法念經云經宿之水若不細觀恐生細蟲若不濾治不飲不用是名細持不殺戒

又智度論云過去世時人民多病黃白瘦熱菩薩爾時身爲赤魚自以爲其肉施諸病人以救其疾又昔菩薩作一鳥身在林中住見

有一人入於深水非人行處爲水神所脅著

不可解若能至香山取一藥草著其脅上繩即爛壞人得脫去菩薩宿世作如是等無量

本生多有所濟名本生經

又十誦律云佛言過去世時近雪山下有鹿

王名曰威德作五百鹿王時有獵師安穀施
脅鹿王前行右脚墮毛脅中鹿王心念若我
現相則諸鹿不敢食穀須噉穀盡爾乃現腳
相時鹿皆去唯一女鹿住便說偈言

大王當知是羅師來願勤方便出是脅去

爾時鹿王以偈答言

我勤方便力勢已盡毛脅轉急不能得出
女鹿見獵師到已向說偈言

汝以利刀先殺我身然後願放鹿王令去
獵師聞之生憐愍心以偈答言

我終不殺汝亦不殺鹿王放汝及鹿王
隨意之所去

獵師即時解放鹿王佛言昔鹿王者今我身
是五百鹿者五百比丘是時有鴈王獵者得
之有同伴鴈欲代捨命還說偈相報獵師見

愍二鷹並放後求寶報恩大意同前又智度

論云王聞鹿言即從座起而說偈言

我實是畜生
第五名曰人頭鹿

汝雖是鹿身

名爲鹿頭人
以理而言之

非以形爲人

若能有慈悲
雖獸實是人

我從今日始

不食一切肉
我以無畏施

且可安汝意

又善見律云目連爲阿育王演本生經云大

王往昔有一鷦鷯鳥爲人籠繫在地愁怖便

大鳴喚同類雲集爲人所殺鷦鷯問道人云

我有罪不道人答云汝鳴聲時有殺心不鷦

鷯鳥言我鳴命伴來無殺心也道人即答若無殺心汝無罪心也而說偈言

不同業而觸
不同心而起
善人攝心住

罪不橫加汝

又僧祇律云佛告諸比丘過去世時香山中
有仙人住處去山不遠有一池水時水中有
一鼈出池水食食已向日張口而眠時香山
中有諸獮猴入池飲水已上岸見此鼈張口
而眠時獮猴便作姪法即以身生內鼈口中
鼈覺合口藏六甲裏如故所說偈言

愚癡人執相 猶如鼈所噬 失守摩羅捉
非斧則不離

時鼈急促獮猴即行欲入水獮猴急怖便作
是念若我入水必死無疑然苦痛力弱任鼈
迴轉流離牽曳^{第五}遇值嶮處鼈時仰卧是時獮

五

爾時獮猴即說偈言
我愚癡獮猴 無辜觸惱他 救厄者賢士
命急在不久 今日婆羅門 若不救我者
須臾斷身生 困厄還山林
爾時仙人以偈答言

我令汝得脫 還於山林中 恐汝獮猴法
故態還復生 爾時彼仙人 爲說往昔事
鼈汝宿命時 曾號字迦葉 獮猴過去世
號字憍陳如 已作姪欲行 今可斷因緣
迦葉放憍陳 今還山林去

猴兩手抱鼈作是念言誰當爲我脫此苦難
獮猴曾知仙人住處彼當救我便抱此鼈向
彼處去仙人遙見便作是念咄哉異事念是
獮猴爲作何等欲戲弄耶獮猴故言婆羅門
是何等寶物滿鉢持來得何等信而來向我

鼈聞是語便放猴去頌曰

普親皆眷屬
隔世即相欺
但求現在樂
不知來苦資
牽我入三塗
楚痛受萬危
自非慈放捨
何得命延時

感應緣

略引一驗

唐魏郡馬嘉運以貞觀六年正月居家日晚
出大門忽見兩人各捉馬一疋先在門外樹
下立嘉運問是何人答云東海公使迎馬生
耳嘉運素有學識知名州里每臺使及四方
貴客多請見之及見聞名弗須怪也謂使者
知元氏被殺及見方自知死使者引入門門

曰吾無馬使者曰進馬以此迎馬生嘉運即
於樹下上馬而去其處倒卧於樹下也俄至
一官曹將入大門有男女數十人門外如訟
者有一婦人先與運相識是同郡張公瑾妾
姓元氏手執一紙文書迎謂嘉運曰馬生尚
相識不昔張總管交遊每數相見總管無狀
四五
非理殺我我訴天曹於今三年爲王天主救
護公瑾故常見抑今乃得申官已追之不久
將至疑我獨見枉害馬生那亦來耶嘉運先
知元氏被殺及見方自知死使者引入門門

者曰公眠未可謁宜可就霍司刑處坐嘉運見司刑乃益州行臺郎中霍璋也見嘉運延坐曰此府記室官缺東海公聞君才學欲屈爲此官耳嘉運曰貧守妻子不願爲官得免幸甚璋曰若不能作自陳無學吾當有相識可舉令作俄有人來云公眠已起引嘉運入見一人在廳事坐肥短黑色呼嘉運前謂曰聞君才學欲屈爲記室耳能爲之乎嘉運拜謝曰幸甚但鄙夫田野頗以經業教授後生不足以當記室之任耳公曰識霍璋不答曰

識之因使召璋問以嘉運才術璋曰平生知其經學不見作文章公曰誰有文章者嘉運曰有陳子良者解文章公曰放馬生歸即命追于子良嘉運辭去璋與之別倩君語我家狗吾臨終語汝賣我所乘作浮圖汝那賣馬自費速如我弱五教造浮圖所云我家狗者謂其長子嘉運因問向見張公瑾妾所言天主者救公瑾故得至今七似不免矣言畢而別遣使者送嘉運至一小澗道指命由此路歸嘉運具言之其年七月綿州人姓陳名子良暴

死經宿而蘇自言見東海公欲用爲記室辭不識文字別有吳人陳子良卒公瑾亦亡但二人亡後嘉運嘗與人同行於路忽若見官府者嘉運色憂怖唯趨走頃之乃定同侶問之答曰而見東海公使人云欲往益州追人仍說陳子良極訴君霍司刑爲君被誚讓君幾不免賴君贖生之福故得免也初嘉運在蜀之日將殃池取魚嘉運時爲人講書得綃數十疋因買池魚贖生謂此也至貞觀中車駕在九成宮開之使中書侍郎岑文本就問

其事文本錄以奏云爾嘉運後爲國子博士

卒官在此一驗出冥報記

救厄篇第七十五此有五部

述意部

菩薩部

流水部

商主部

獸王部

述意部第一

夫慈悲弘力之施祈福紓患之請誠至可感列聖同然而觀世大士獨見褒聞是以投火有必糜之軀漂海無或生之命但瞬息之頃言念歸向則洪海可竭烈火飛涼或臨刀項

上白刃不傷或墜墮深坑全身無損或枷禁
桎梏散誕形軀如是得力備鑒難盡若懇誠
克已必感靈徵若浮漫墮情難危叵救也

菩薩部第二

如僧伽羅利經云時有菩薩在山慈心端坐
思惟不動鳥孺頂上後覺鳥在頂懼卵墜落
身不移搖撿坐而行彼處不動及鳥生翅但
未能飛終不捨去

又彌勒所問本願經云佛言阿難我本求道
時勤苦無數過去世時有王太子號曰寶華

端正姝好從園觀出道見一人身患病癩見
問病人以何等藥可療卿病病者答曰得王
身體血等以塗我身其病乃愈太子聞已即
自破身骨髓血等以與病者至心施與意無
悔恨其王太子者即我身是四大海水尚可
斛量我身骨髓血等不可稱數求正覺故
又大集經云爾時曠野菩薩現爲鬼身散脂
菩薩現爲鹿身慧炬菩薩現獮猴身離愛菩
薩現羖羊身盡漏菩薩現鵝王身如是五百
諸菩薩等各各現受種種諸身其身悉出大

香光明——菩薩手執燈明爲供養十方諸佛從七佛已來與如是佛同爲眷屬受持五戒發菩提心爲欲調伏一切衆生今發菩提故受此身

又雜寶藏經云昔者有一羅漢道人畜一沙彌知此沙彌却後七日必當命終與假歸家至七日頭勑使還來沙彌辭師即便歸去於其道中見衆蟻子隨水漂流命將欲絕生慈悲心自脫袈裟盛土堰水而取蟻子置高燥處遂悉得活至七日頭還歸師所師甚怪之

尋即入定以天眼觀知其更無餘福得爾以救蟻子因緣之故七日不死得延命長亦得延命又治補伽藍牆壁泥孔亦得延命也

流水部第三

如金光明經云爾時流水長者子於天自在光王國內治一切衆生患令得平復時長者子有妻名曰水空龍藏而生二子一名水空二名水藏時長者子將是二子次第遊行到一大空澤中見諸禽獸多食肉血一向馳奔長者念言是諸禽獸何因緣故一向馳走時

長者子遂便隨逐見有一池其水枯涸於其池中多有諸魚長者見魚生大悲心時有樹神示現半身作如是言善哉男子此魚可愍汝可與水是故號汝名爲流水長者問神此魚頭數爲有幾所樹神答言其數具足足滿十千爾時流水聞是數已倍生悲心時此空池爲日所曝是十千魚將入死門是時長者四方求水了不能得見有大樹尋取枝葉還到池上與作蔭涼作蔭涼已復更疾走遠至餘處見一大河名曰水生有諸惡人爲捕此

魚決棄其水不令下過然其決處懸嶮難補時長者子速至王所說其因緣唯願大王借二十大象令得負水濟彼魚命爾時大王即勅大臣速疾供給自至廐中隨意選取是時流水及其二子將二十大象從治城人借索皮囊至彼上流決處盛水象負馳疾至空澤池瀉置池中水遂彌滿時長者子於池四邊彷徉而行是魚亦隨循岸而行時長者子復作是念是魚何緣隨我而行必爲飢火所惱從我求食爾時流水告子至家啓其祖父家

中可食之物悉載象上急速來還爾時二子如父教勑至家啓祖說如上事爾時二子收食載象還至父所長者心喜從子取食散著池中與魚食已令其飽滿復思經中若有衆生臨命終時得聞寶勝如來名號即生天上即便入水作如是言南無過去寶勝如來十二號名字復爲是魚解說如是甚深妙法十二因緣爾時流水及子還家復於後時賓客醉卧爾時其地卒大震動時一千魚同日命終即生忉利天既生天已思念報恩爾時一千

天子從忉利天下至長者家時長者子在樓上睡是十千天子以十千真珠天妙瓔珞置其頭邊復以十千置其足邊復以十千置右脇邊復以十千置左脇邊雨曼陀羅華摩訶曼陀羅華積至于膝種種天樂出妙音聲間浮提中有睡眠者皆悉覺悟流水長者亦從睡寤是十千天子於空遊行於王國內皆雨天華復至池澤復雨天華便從此沒還忉利宮

商主部第四

如大悲經云佛告阿難過去之世有大商主爲採寶故將諸商人入於大海彼所乘船衆寶悉滿至海中間其船卒壞時彼商人心懷怖畏極生憂惱其中或有得船板者或有浮者有命終者我於爾時作彼商主在大海中用以浮囊安隱而度時有五人呼商主言大士商主唯願惠施我等無畏說是語已爾時商主即告之言諸丈夫勿生怖畏我令汝等從此大海安隱得度阿難彼時商主身帶利劍而作是念大海之法不居死屍如其我今

自捨身命此諸商人必能得度大海之難作是念已即喚商人置已身上令善捉持彼諸商人有騎背者有抱肩者有捉脰者爾時商主爲欲施彼無怖畏故大悲熏心起大勇猛即以利劍斷已命根速取命終時大海漂其死屍置之岸上時五商人便得度海安隱受樂平吉無難還閻浮提阿難彼時商主豈異人乎我身是也五商人者今五比丘是也是五比丘昔於大海而得度脫今復於此生死大海而得度脫安置無畏涅槃彼岸

獸王部第五

如大智度論云乃往過去無量阿僧祇劫有
大林樹多諸禽獸野火來燒三邊俱起唯有
一邊而躡一水衆獸窮逼逃命無地佛言我
於爾時爲大身多力鹿以前腳跨一岸以後
腳踰一岸令衆獸蹈背上而度皮肉盡壞以
慈悲力忍之至死最後一兔來氣力已喘自
強努力忍令得過過已脊折墮水而死如是
久有非但今也前得度者今諸弟子是最後
一免須跋陀是佛世樂行精進今猶不息

第五

十二之二

又賢愚經云佛過去久遠世時時世飢儉如
來因地慈救衆生作大魚身長五百由旬國
人須其肉者無問人畜皆來取噉取已還生
經於十二年施其肉血又受生經云昔者菩
薩曾爲鼈王生長大海化諸同類子民群衆

皆修仁德王自奉行慈悲救護愍於衆生如
母愛子其海深長邊際艱險而悉周至靡不
更歷於時鼈王出於海外在邊卧息積有日
月其甲堅燥猶如陸地賈人遠來因止其上
破薪然火炊煮飯食繫其牛馬車乘載石皆

著其上鼇王欲趣入水畏墮不仁道欲強忍
痛不可勝便設權計入淺水處除滅火毒不
危衆賈衆賈恐怖謂潮卒漲悲哀呼嗟歸命

哉善哉當如來言各自別去佛言時鼇王者
我身是也五百賈人者今五百弟子舍利弗
等是也

諸天唯見救濟鼇王心益愍之因報賈人曰
慎莫恐怖吾被火焚故捨入水欲令痛息今

第五

十三之一

當相安終不相危衆賈聞之知有活望俱時
發聲言南無佛鼇興大慈還負衆賈移在岸
邊衆人得脫靡不歡喜遂稱鼇王而歎其德
尊當爲橋梁多所度行爲大舟航超越三界
設得佛道當復救脫生死之厄鼇王報曰善

又正法念經云若有衆生見犯法者應受死
苦以財贖命令其得脫不求恩報命終生常
歡喜天從天退還得受人身不遭王難若有
衆生持戒見大火起焚燒衆生以水滅火救
諸衆生命終生行道天受種種樂

又如度狗子經說昔有一國穀米涌貴人民
飢餓時有沙門入城分衛周遍門室無所

獲次至長者大豪貴門得麤惡飯適欲出城
門中逢一射獵屠兒抱一狗子持歸欲殺見
沙門歡喜前爲作禮沙門呪願老壽長生沙
門知有狗子疑欲殺之故問其人今何所齋
答曰空行無所獲持沙門又問吾已見之何

爲藏匿殺生之罪甚爲不善願持我食貿此
狗子令命得濟卿福無量其人答曰不能相
與我故行求家門共食卿此小飯何所足乎
沙門殷勤曉喻請之其人慙突不肯隨言沙
門又言設不肯者可以示我其人即出以示

沙門沙門舉飯以飼狗子以手摩拭呪願淚
出卿罪所致得是大身不得自在見殺食噉
使爾世世罪滅福生離狗子身得生爲人所
在遇法三寶自然狗子得食善心生焉踊躍
歡喜知自歸依人將還家屠殺共食狗子命

過即生豪貴大長者家適生墮地便有慈心
時彼沙門分衛次到長者門裏分衛時長者
子見彼沙門憶識本緣便前稽首禮沙門足
請前供養百味飲食前白父母言今我欲逐
此大和尚奉受經戒爲作弟子父母愛重不

廿五

十四之一

四五

十四之二

肯聽之我今一門有汝一子當以續後家門
之主何因便欲棄家而去小兒啼泣不肯飲
食不欲聽我便自就死父母見然便聽令去
隨師學道除去鬚髮披三法衣諷誦佛經深
解其義便得三昧立不退轉開化一切發大
道意佛世難值經道難聞能與相值無不蒙
度畜生尚有得道豈況於人寧不獲果縱復
缺犯還生慚愧白淨已來黑垢自滅

又雜阿舍經云爾時世尊告諸比丘過去世
時有一鳥名曰羅婆爲鷹所捉飛騰虛空於

空鳴喚言我不自覺忽遭此難我坐捨離父
母境界而遊他處故遭此難如何今日爲他
所困不得自在鷹語羅婆汝當何處自有境
界而得自在羅婆答言我於田耕壠中自有
境界足免諸難是爲我家父母境界鷹於羅
婆起橋慢言放汝令去還耕壠中能得脫不
於是羅婆得脫鷹爪還到耕壠大塊之下安
四五之一
住止處然復於塊上欲與鷹鬪鷹則大怒彼
是小鳥敢與我鬪瞋恚極盛峻飛直搏於是
羅婆入於塊下鷹鳥飛勢憊衝堅塊碎身即

死時羅婆鳥深伏塊下仰說偈言

鷹鳥用力來 羅婆依自塊 乘瞋猛盛力
致禍碎其身 我具足通達 依於自境界
伏怨心隨喜 自觀欣其力 設沒有凶愚
百千龍象力 不如我智慧 第十五十六分之一

觀我智勝殊 摧滅於蒼鶻

頌曰

舍識皆畏死 有命懼嶮危
難逢流水希 親疎皆父母
慈悲救危苦 福報自然隨

感應緣

略引一
十五驗

秦沙門釋道圓

晉居士呂諫

居士徐榮

居士張崇

將軍王懿

嚴猛婦

周子長

宋沙門竺惠慶

沙門釋曇無竭

沙門釋法進

周沙門釋惠真

沙門釋僧實

陳沙門釋惠布

唐沙門釋智聰

居士徐善才

秦沙門釋道圓鄉里氏族已載前記秦姚弘

第十五

始十八年師道懿遣至河南霍山採鍾乳與同學道朗等四人共行持炬探穴入且三里遇一深流橫木而過問最先濟後輩墜木而死時火又滅冥然昏闇問生念已盡慟哭而已猶故一心呼觀世音誓願若蒙出路供百人會表報威神經一宿而見小光燭然狀若熒火倏忽之間穴中盡明於是見路得出巖下由此信悟彌深屢覲靈異元嘉十九年臨川康王作鎮廣陵請問供養其年九月於西齋中作十日觀世音齋已得九日夜四更盡

芻五
十六三

衆僧皆眠問起禮拜還欲坐禪忽見四壁有一長人著平上幘笠布袴褶手把長刀貌極雄異捻香授道問道問時不肯受壁中沙門語云問公可爲受香以覆護主人俄而霍然無所復見當爾之時都不見衆會諸僧唯覲所置釋迦文行像而已

晉呂竦字茂高兗州人也寓居始豐其縣南溪流急岸峭迴曲如縈又多大石白日行者猶懷危懼竦自說其父嘗行溪中去家十許

里日向暮天忽風雨晦冥如漆不復知東西
自分覆溺唯歸心觀世音且誦且念須臾有
火光來岸如人捉炬者照見溪中了了遂得
歸家火常在前導去船十餘步竦後與郗嘉
賓周旋郗所傳說

晉徐榮者瑯琊人嘗至東陽還經定山舟人
眉五不慣誤墮洞瀆中遊舞濤波垂欲沉沒榮無
復計唯至心呼觀世音斯須間如有數十人
齊力引船者踊出瀆中還得平流沿江還下
日已向暮天大陰闇風雨甚駛不知所向而

濤浪轉盛榮誦經不輟口有頃望見山頭有
火光赫然迴杓趣之逕得還浦舉船安隱既
至亦不復見光同旅異之疑非人火明旦問
浦中人昨夜山上是何火光衆皆愕然曰昨
風雨如此豈如有火理吾等並不見然後了
其爲神光矣榮後爲會稽府督護謝敷聞其
拾五自說如此時與榮同船者有沙門支道蘊謹
篤士也具其事後爲傅亮言之與榮所說同

晉張崇京兆杜陵人也少奉法晉太元中符
堅旣敗長安百姓有千餘家南走歸晉爲鎮

戍所拘謂爲游寇殺其男丁虜其子女崇與

同等五人手脚其械銜身掘坑埋築至腰各
相去二十步明日將馳馬射之以爲娛樂崇
慮望窮盡唯潔心專念觀世音夜中械忽自
破上得離身因是便走遂得免脫崇旣脚痛

同尋路經一寺乃復稱觀世音名至心禮拜
以一石置前發誓願言今欲過江東訴亂晉
帝理此冤冤救其妻息若心願獲果此石當
分爲二崇禮拜已石即破焉崇遂至京師發
白虎搏具列冤氏帝乃悉如宥已爲人所略

賣者皆爲編戶智生道人目所親見

晉王懿字仲德太原人也守車騎將軍世信
奉法父苗符堅時爲中山太守爲丁零所害
仲德與兄元德携母南歸登陟峭嶮飢疲絕
糧無復餘計唯歸心三寶忽見一童子牽青

牛見懿等飢各乞一飯因忽不見時積雨大
水懿前望浩然不知何處爲淺可得揭躡俄
有一白狼旋繞其前過水而反似若引導如
此者三於是逐狼而渡水纔至膝俄得陸路
南歸晉帝後自王兵尚書爲徐州刺史嘗欲

設齋宿昔灑掃敷陳香華盛列經像忽聞法

婦因指之虎即擊胡壻得免也

右此一驗出異苑錄

堂有經唸聲清婉流暢懿遠往觀見有五沙門在佛坐前威容偉異神儀秀出懿知非凡僧心甚歡敬沙門迴相瞻眄意若依然音旨未交忽而竦身飛空而去親表賓僚見者甚

衆咸悉欣躍倍增信悟

右此四驗出冥祥記

晉時會稽嚴猛婦出採薪爲虎所害後亡猛行至蒿中忽見云君今日行必遭不善我當相勉也旣而俱前忽逢一虎跳踉向猛婦舉手指虎狀而遮護須臾有二胡人荷戟而過

佛弟子何故捉我吏問曰若是佛弟子能經

第十五

唄不子長先能誦四天王及鹿子經便爲誦之三四過捉故不置知是鬼便罵之曰武昌癡鬼語汝我是佛弟子爲汝誦經數偈故不放人也捉者便放不復見屋鬼故逐之過家

門前鬼遮不得入門亦不得作聲而心將鬼至寒溪寺中過子長便擒鬼胷復罵曰武昌癡鬼今當將汝至寺中和尚前了之鬼亦擒子長胷相拖度五大塘西行後諸鬼謂捉者曰放爲西將牽我入寺中捉者已放子長故

復語後者曰寺中正有道人輩乃未肯畏之後一鬼小語曰汝近城東看道人面何以得故便共大笑子長次達家三更盡古一驗出
靈鬼志宋沙門竺惠慶廣陵人也經行修明元嘉十二年荆揚大水川陵如一惠慶將入廬山船

至小而暴風忽起同旅已得依浦唯惠慶船未及得泊飄颻中江風疾浪涌靜待淪覆慶正心端念誦觀世音經洲際之人望見其船迎飈截流如有數十人牽挽之者逕到上岸一舫全濟

宋元嘉初中有黃龍沙彌曇無竭者誦觀世音經淨修苦行與諸徒屬二十五人往尋佛國備經荒儉貞志彌堅既達天竺舍衛路逢山象一群竭齋經誦念稱名歸命有師子從林中出象驚奔走後有野牛一群鳴吼而來

將欲加害竭又如初歸命有大鷺飛來牛便驚散遂得剋免

出此二驗
羽五
真祥記

宋高昌有釋法進或曰道進姓唐涼州張掖人幼而精苦習讀有超邁之德爲沮渠蒙遜所重遜卒子景環爲胡寇所破問進曰今欲轉掠高昌爲可剋不進曰必捷但憂灾餓耳

二十
羽五

迴軍即定後三年景環卒弟安周續立是歲飢荒死者無限周旣事進進屢從求乞以賑貧

貧餓國蓄稍竭進不復求乃淨洗浴取刀鹽

至深窮窟餓人所聚之處次第授以三歸便

掛衣鉢著樹投身餓者前云施汝共食衆雖飢困猶義不忍受進即自割肉挂鹽以啖之兩股肉盡心悶不能自割因語餓人云汝取我皮肉猶足數日若王使來必當將去但取藏之餓者悲悼無能取者須臾弟子來至王人復到舉國奔赴號叫相屬因舉之還宮周勑以三百斛麥以施飢者別發倉廩以賑貧民至明晨乃絕出城北闕維之煙焰衝天七日乃歇屍骸都盡唯舌不爛即於其處起塔三層樹碑于右

右此一驗出
梁高僧傳

周上黨元開府寺釋惠瑱不知氏族奉律貞確禪懺爲業會周建德六年國滅三寶瑱抱持經像隱于深山遇賊欲劫初未覺也忽見一人形長丈餘美貌鬚顏具好衣服乘白馬

弱五

二十一之二

未

自山頂來徑至瑱前下馬而謂曰今夜

雪深道隔遂免賊難後晴路開群賊重來神遂告山下諸村曰賊欲劫瑱師汝等急往共救乃各嚴器杖入山拒擊賊便驚散從此每日瑱恒憑神力安業山阜不測其終

賊至師可急避瑱居懸崖之下絕無餘道疑是山神乃曰今佛法毀滅貧道容身無地故來依投檀越今有賊來正可於此取死更何逃竄神曰師旣遠投弟子弟子亦能護師正爾住此遂失所在當夜忽降大雪可深丈餘

周京師大追遠寺釋僧實俗姓程咸陽靈武人也幼懷雅亮清卓不群魏孝文大和末年從京至洛因遇勒那三藏授以禪法三學雖通偏以九次調心故得定水清澄禪林榮蔚於是陶化京華久而逾盛忽於一日正午僧寢之時自上樓鳴鍾急衆僧出房怪問所以

弱五

二十一之二

實告僧曰人各速備香火急赴集堂僧旣集已又告僧曰人各用心修理佛事齊誦觀音以救江南梁國其寺講堂欲崩恐損道俗宜共救厄當爾之時揚都講堂正論法集道俗向千充滿其中忽聞西北異種香煙及空中經聲伎樂雲屯從堂北門而入直出南門合堂驚出靴履忘著共逐聽聲人旣出盡堂欲摧倒大衆得全免斯危難奏聞梁主勑使問周果如實救梁主三度奉請周主不放梁主遙禮備盡致敬大送珍寶及樹皮納三衣机

拂什物等禪師餘物並皆散施唯留納机等見在禪林寺僧互掌之以保定三年七月十八日卒於大追遠寺春秋八十有八朝野驚嗟人天變色哀慟二國遺墳現在苑內陳攝山栖霞寺少門惠布俗姓郝廣陵人少懷遠操性度虛梗志行罕儔爲君王所重或見諸人樂生西方者告云方土乃淨非吾願也如今所祈化度衆生如何在蓮華中十劫受樂未若三塗處苦救濟也年至七十與衆別云布命更至三五年在但老困不能行道

附五

二十二之一

約五

二十三之二

住世何益常願生邊地無三寶處爲作佛事
去也幸願好住願自努力於是絕穀不食命
將欲斷下勑令醫證之縮臂不許沈皇后欲
傳香信又亦不許臨遺訣曰長生不喜夕死
無憂以生無所生滅無所滅故也未終前大

地連動七日便卒移屍就林山地又動太史
奏云得道之人星滅矣時以當之初將逝時
告衆前云昨夜有二菩薩來迎一是生身一
是法身吾已許之尋有諸天又來迎接以不
願生故不許爾流光照於偈禪師戶偈時怪

光盛出戶觀見二人向布房中不知是聖人
也旦往述之恰然符合言已端坐而化有見
鬼者望見幡華滿寺光明騰焰不測其故入
山視之乃見布公去世也以陳禎明元年十
一月二十三日卒于本住春秋七十有餘

唐潤州攝山栖霞寺釋智聰未詳何人昔住
揚州白馬寺後度江住揚州安樂寺大業既
開皇
崩思歸無計隱江荻中誦法華經七日不飢
恒有虎遶之而已不食已經數日聰曰吾命
須臾卿須可食虎忽發言曰造天立地無有

此理忽有一翁年可八十腋下挾船翁曰師欲度江至栖霞寺住者可即上船四虎一時目中淚出聰曰救危扶難正在今日可迎四虎於是利涉往達南岸船及老人不知所在聰領四虎同往栖霞舍利塔西經行坐禪誓不寢卧衆徒八十咸不出院若有凶事一虎入寺大聲告衆由此驚悟每以恒式至貞觀二十三年四月八日小食訖往止觀寺與衆辯別還本房安坐而卒異香充溢丹陽一郭年九十九矣

唐高僧傳
右北四驗出

唐武德初中有醴泉縣人姓徐名善才一生已來常修齋戒誦念觀世音經過逾千遍每在京城延興寺玄琬律師所修營功德敬造一切經至武德二年十一月因事還家道逢胡賊被捉將去至幽州南界胡賊凶毒所捉得漢數千人各被反縛將向洪崖差人次第殺之頭落懸崖賢者見前皆殺定知不免唯念觀音剎那不輟次到賢者初下刀時自見下刀及至斫時心不覺惺當殺之時日始在中至於初夜覺身在深澗樹枝上坐去岸三

百餘步賢者便自私念我何故在此良久始知今日被殺何因不死身全在樹便以手摩頂覺項微痛而無損傷即知由念觀音得全身命當時十五日天時月朗其身無衣兼不得食經由數日極覺飢寒旦漸下樹循澗東

第五

二十四

行二里於其澗內拾得一領羊裘及得一量鞋靿得著免寒復行一里便得一盈桃棗青翠赤白似新摘來可有升餘得食免飢自非觀音神力豈得仲冬得新桃棗既免飢寒得充氣力漸上南坡到南岸上反顧北看遙見

賊營數里人畜聲鬧猶未眠卧賢者雖到南岸恐賊來趁望家急行可行五十里知賊漸遠身心寧泰在一樹下歇息跏趺誦念佛日久不覺坐息至於四更忽寤開目見一青狼偉大向賢者前蹲坐將口拄賢者鼻賢者見已還閉目作念云若實我讐願食我身以償宿殃各捨怨結共發仁慈若是觀音願救弟子令得安泰作此語已開眼觀視不見遺跡當知諸佛慈善根力隨緣感現利益無窮今時有誦不得力者良由輕心復由過現宿

惡相資所以難感賢者平安到家並將殘桃
更生示道客口占不二道年幼白見

道年幼白見
師說之爾

法苑珠林卷第六十五

三五

三

鍛	翻	鍛山	戛切	翻下	草	菹
也	赤	丑盈	切	鍛翻	摧鼻也	
腎	色	赤色	也	漉	盧谷	
也	也	也	古法	濾	濾也	
絅	也	也	王董居	濾	良倨	切
也	也	也	隱	去滓也	去滓也	
罔	切	罔	俱	七正	七正	
切	永	永	永	借	借	
烟	烟	烟	烟	紓	紓	
明	古	古	假	商	商	
也	也	也	也	緩	緩	
撙	撙	撙茲	撙茲	瘞	瘞	
切	切	損	損	於	於	
撙	撙	撙	撙	爲	爲	
也	也	也	也	病	病	
瘞	瘞	瘞	瘞	濕	濕	
也	也	也	也	病	病	
瘞	瘞	瘞	瘞	魚	魚	
也	也	也	也	切	切	
瘞	瘞	瘞	瘞	頰	頰	

名	切	而	切
驥	霍	居	旅
切	也	寓	
亡	確	苦	
達	同	角	堦
盍	堅	切	古
盍	告	也	郎
器	回	與	飈
也	馬	愛	旋
	馬	子	卑
	盍	紅	遙
	盍	鼠	
	也	也	切
	也	賑	
	也	濟	章
	也	也	刀
	也	旱	切
	也	幽	瑱
	也	卑	
	見	巾	
	他		

永樂北藏

法苑珠林

第一四一册